



共四十二
婦人良方九止



武
584
29





婦人良方卷之二十四

薛氏醫按

臨川陳自明編

吳郡薛

已註

新

都

閔道政校

瘡瘍門

○婦人繭唇方論第一

諸骨木梗等咽見口齒類要

內經云脾氣開於口。又云脾之榮在唇。蓋燥則乾熱則裂風則
潤寒則揭若腫起白皮皴裂如蠶繭名曰繭唇有腫重出如繭
者有本細末大如繭如瘤者其因或胎產經行而陰血損或七
情動火而榮血虧或心火傳授脾經或厚味積熱傷脾大要審
本症察兼症補腎水生脾血則燥自潤火自除風自息腫自消
若患者忽畧治者不察內用清熱消毒之藥外用追蝕線結之
法反為敗症慎哉



附治驗

一婦人懷抱久鬱。或時胃口嘈辣。胸膈不利。月水不調。晡熱食少。體倦唇腫。已年餘矣。此脾經鬱火傷血。用歸脾湯加薑汁炒黃連。山梔。少佐吳茱萸。嘈辣頓去。飲食稍進。乃去黃連。加貝母。遠志。胸膈通利。飲食如常。又用加味逍遙散。歸脾湯。間服百餘劑。月水調而唇瘡愈。

一婦人懷抱久鬱。患爾唇雜。治消痰降火。虛症悉其。盜汗如雨。余謂此氣血虛而有熱也。用當歸六黃湯。內黃芩。連柏。俱炒黑。二劑而盜汗頓止。仍用歸脾湯。八珍散。兼服元氣。漸復。更以逍遙散。歸脾湯。間服百餘劑。而唇亦瘳。

一婦人唇裂內熱。二年矣。每作服寒涼之劑。時出血水。益增他症。此胃火傷血。而藥傷元氣也。余用加味清胃散而愈。後因怒

唇口腫脹。寒熱作嘔。此屬肝木乘脾土。用小柴胡。加山梔。茯苓。桔梗。諸症頓愈。復以加味逍遙散。調補元氣而愈。

一婦人因怒唇腫。內熱體倦。用化痰藥。食少作嘔。大便不實。唇出血水。用理氣消導。胸膈痞滿。頭目不清。唇腫經閉。用清胃行血。肢體愈倦。發熱煩躁。涎水湧出。余曰。此七情傷肝。脾屢用攻伐。反致他症。遂用濟生歸脾湯。食進便實。涎止。用加味逍遙散。腫消熱退。體健。後因怒寒熱耳痛。胸膈脹悶。唇焮腫甚。此怒動肝火。而傷血。用四物合小柴胡。加山梔。頓愈。又因怒胸乳作脹。肚腹作痛。嘔吐酸涎。飲食不入。小水不利。此怒動肝木。而尅脾土也。用補中益氣。加川芎。芍藥。而愈。又勞役怒氣。飲食失節。發熱喘渴。體倦不食。下血如崩。唇腫熾盛。此為肝經有火。不能藏血。脾經氣虛。不能攝血。用補中益氣。加炒黑山梔。芍藥。丹皮。而愈。

一婦人月經不調兩足發熱至年餘而身亦熱勞則足腿酸疼
又年餘唇腫裂痛又半年唇裂出血形體瘦倦飲食無味月水
不通唇下腫如黑棗余曰此肝脾血虛火症也彼不信用通經
藥而歿

一婦人忿怒而唇腫或用消毒之藥唇脹出血年餘矣余曰此
肝木尅脾土而血傷也須養脾胃滋化源為主彼執用前藥狀
如翻花瘤而歿

一婦人口苦脇脹此肝火之症也用小柴胡加山梔黃連少愈
更以四君子加芍藥當歸柴胡調補脾胃而瘥

一婦人每怒口苦發熱晡熱此肝火盛而血傷也以小柴胡合
四物二劑以清火而生血更以四物加柴胡白朮茯苓丹皮生
血健脾而愈

一婦人每怒則口苦兼辣胸痛脇脹乳內或時如刺此肝肺之
火也用小柴胡加山梔青皮芎歸桑皮而安後又勞怒口復苦
經水頓至此屬內火動血得熱而妄行用四物加炒苓炒梔膽
草一劑而血止更以加味逍遙散而元氣復

一婦人因怒齒痛寒熱作嘔用清胃等藥益甚余以為此肝火
傷胃寒藥復傷故也用六君子加芍藥柴胡山梔而愈

一婦人胃中嘈辣甚則熱痛後患齒疼此胃中痰火也用二陳
加苓連下越鞠丸而瘳

一婦人發熱齒痛日晡益甚月水不調此脾經血虛用逍遙散
加升麻尋愈後因怒復痛仍以前藥加川芎而愈

一婦人因怒牙疼寒熱此肝火侮脾土用小柴胡加芎歸苓朮
山梔而疼痛止用加味逍遙散而寒熱退

一婦人每產後齒齦皆動踰日乃止此氣血虛而火動也後復懷妊臨月余付十全大補湯二劑令產後煎服其齒不動如故一婦人善怒舌痛煩熱或用降火化痰藥前症益甚兩脇作脹又服流氣飲肚腹亦脹經行不止此肝虛不能藏血脾虛不能攝血而前藥復傷也用加味歸脾湯加五味子而愈

一婦人冬患腦疽腫痛熱渴脈洪數實此膀胱濕熱上壅用清熱消毒散潰而愈次年其舌腫大遍身患紫疔如葡萄手足尤多各刺出黑血此脾胃積熱毒也服奪命丹七粒出臭汗瘡熱益甚又便秘二日與大黃芩連各三錢升麻白芷山梔薄荷連翹各二錢生草一錢水煎三五沸服之大小便出臭血甚多下體疔稍退乃入犀角汁再服舌本及齒縫出臭血諸毒乃消更與犀角地黃湯而愈

一婦人善怒舌本強手臂麻此肝木尅脾土治以六君子加柴胡芍藥而愈

一婦人產後喉痛服清熱等劑痛益甚此膀胱經血虛也蓋膀胱之內脈上行至喉而還用八珍湯加牡丹皮柴胡酒炒黑黃柏二劑而愈

一婦人喉間作痛旬日餘突腫如赤楊梅狀一月後而腫遍身筋骨作痛余以為此時行楊梅瘡也先以葶藶湯數劑而平更以四物加葶藶黃芪二十餘劑諸症悉退

附方藥

清胃散 治醇酒厚味唇齒作痛或齒齦潰爛或連頭面頸項作痛

黃連

炒一錢五分

當歸

生地黃

牡丹皮

各一錢

升麻二錢 右水煎服實熱便秘加大黃

加味清胃散即前方加犀角連翹甘草

涼膈散 治積熱煩渴面赤內熱頭昏咽痛便溺赤澁狂言譫妄睡臥不安

大黃 朴硝 甘草各一錢 連翹二錢

梔子 黃芩 薄荷各一錢 右水煎服

補黃散 治脾胃虛熱口舌生瘡畏冷飲食

人參 白朮一錢 白芍藥一錢 陳皮

甘草五分 右薑棗水煎服

四順清涼飲加山梔牛蒡子治臟腑實熱秘結口苦生瘡

當歸 赤芍藥 甘草 大黃各一錢

右水煎服

人參安胃散 治服峻劑損脾胃口舌生瘡

人參一錢 黃芪二錢 生甘草 炙甘草各五分

白芍藥七分 白茯苓一錢 黃連五分 右水煎服

溫中丸一名人參理中丸治中氣虛熱口舌生瘡不喜飲冷肢體倦怠

飲食少思

人參 甘草炒 白朮炒各

右為末薑汁糊丸桐子大每服五十九丸白湯下

柳華散 治熱毒口瘡

黃柏炒 蒲黃 青黛真正 人中白煨等

右為末敷之

四物湯 治血熱口舌生瘡或牙齦腫潰或日晡發熱煩躁不

安方見本卷第六論

加味四物湯 即四物湯加丹 治氣血俱虛口舌生瘡熱渴引飲目赤面紅其

當歸補血湯 治氣血俱虛口舌生瘡熱渴引飲目赤面紅其

脈洪大而虛重按全無 方見本卷第十一論 四物二連湯 治血熱口舌生瘡或夜發寒熱

當歸 熟地黃 白芍藥 炒 川芎

黃連 炒 胡黃連 錢各一 右水煎服

清咽利膈湯 治積熱咽喉腫痛痰涎壅盛煩躁飲冷大便結

金銀花 防風 荊芥 薄荷

桔梗 炒 黃芩 炒 黃連 炒 山梔 炒

連翹 錢各一 玄參 大黃 煨 朴硝

牛蒡子 研 甘艸 各七 右水煎服

龍射聚聖丹 治心脾客熱咽喉腫痛或成癰不消或舌本腫

脹口舌生瘡或諸物骨鯁

川芎 一兩 生地黃 犀角 鎊 羚羊角 鎊

琥珀 玄參 連翹 錢各五 人參

赤茯苓 馬牙硝 片腦 麝香 錢各三

桔梗 升麻 鉛白霜 錢各五 硃砂

牛黃 錢各二 南硼砂 一兩 金箔 五十

右各另為末和勻蜜丸龍眼大金箔為衣薄荷湯化下或噙

拔萃桔梗湯 治熱腫喉痺

桔梗 炒 甘艸 連翹 山梔 炒

薄荷 黃芩 一錢 右竹葉水煎服

甘桔湯 治咽喉腫痛

甘桔湯 治咽喉腫痛

甘艸六錢 苦梗三錢 右水煎服

解毒雄黃丸 治纏喉風腫閉。或卒倒死牙關緊急

雄黃一錢 鬱金一錢 巴豆十四粒 去油殼

右為末醋糊丸。菜豆大用熱茶送下七丸。吐頑痰立甦

奪命丹 治喉閉或疔毒。或麻木或嘔吐重者昏憤若疔毒牙

關緊急用三五丸為末。水調灌下。誠有奪命之功。

蟾酥酒化 輕粉各五分 枯白礬 寒水石煨

銅綠 乳香 沒藥 麝香各一錢

硃砂三錢 蝸牛二十个另研 如無亦効

右為末用蝸牛或酒糊為丸。如菜豆大每服一二丸溫酒或

葱湯下

換肌消毒散 治時瘡不拘初起潰爛。一名草 薛湯

土茯苓五錢 當歸 白芷 皂角刺

薏苡仁各一錢半 白蘚皮 木瓜不犯 木通

金銀花各一錢 甘艸五分 右水煎服

七味白朮散 一名錢氏 治中氣虛熱。口舌生瘡。不喜飲冷。或吐

瀉口乾 方見本卷第二十一卷第二論

四君子湯 治脾胃虛熱。唇口生瘡。食少作嘔。大便不實。若肝

木乘脾土所致。加柴胡芍藥 方見本卷第六論

六君子湯 方見本卷第六論

二陳湯 方見本卷第五論

越鞠丸 方見六卷第七論

補中益氣湯 方見本卷第十論

清熱消毒散 方見本卷第五論

犀角地黄湯 方見本卷第二論

當歸六黃湯 方見十九卷第六論

逍遙散

八珍湯

歸脾湯

十全大補湯 四方見本卷第四論

小柴胡湯 方見本卷第二論

○婦人耳聆痛方論第二

耳癢屬手少陽三焦或足厥陰肝經血虛風熱或怒動肝火而致若發熱焮痛屬三焦厥陰風熱用柴胡清肝散若內熱疼痛或脹痛屬肝火傷血用梔子清肝散若寒熱作痛或作嘔吐屬肝火傷脾用益脾清肝散若口乾足熱為肝腎陰虛用益陰腎

氣丸若月經先期為血熱用加味道遙散過期為血虛用八珍湯食少體倦為鬱火用加味歸脾湯惡寒發熱肢體倦怠為氣血俱虛用十全大補湯慎不可專治其外復傷氣血也

附治驗

一婦人耳內外腫痛胸脇不利寒熱往來小便不調余以為肝火傷血先用龍膽瀉肝湯四劑諸症頓退又用加味道遙散而愈又因怒復作用小柴胡湯而痊

一婦人經行後因勞怒發寒熱耳作痛余以經行為血虛用八珍湯加柴胡怒氣為用火用加味道遙散勞役為氣傷用補中益氣湯加山梔而愈

一婦人素鬱怒耳內作痛腫焮寒熱面色青黃經行則變赤余用加味歸脾湯加味道遙散而愈

婦人懷抱素鬱因怒耳作腫痛經行不止寒熱發熱面色青赤肝脈弦數余以爲久鬱傷脾暴怒傷肝先用加味小柴胡湯隨用加味逍遙散而痊

一婦人因怒發熱吾經行兩耳出膿兩太陽作痛胸脇乳房脹痛或寒熱往來或小便頻數或小腹脹悶皆屬肝火血虛先用梔子清肝散二劑又用加味逍遙散數劑諸症悉退乃以補中益氣加五味而痊

一婦人耳內腫痛出水寒熱口苦欬逆頸項飲食少思此肝火甚也用小柴胡湯加山梔牡丹皮稍愈用加味逍遙散漸愈用八珍湯加柴胡丹皮山梔調補肝脾而全愈

一婦人耳內外腫痛胸膈不利寒熱往來小便不調此肝經濕熱也用龍膽瀉肝湯四劑諸症頓退用加味逍遙散而全愈又因怒復作用柴胡清肝散而痊

一婦人耳內不時脹痛內熱口乾勞則頭暈吐痰下滯此肝脾氣虛也朝用補中益氣夕用加味逍遙散而痊

一寡婦耳內外作痛不時寒熱脈上魚際此血盛之症用小柴胡加生地以抑其血而愈又項間結核如貫珠寒熱晡熱用加味歸脾湯加味逍遙散調補肝脾而愈

一婦人耳內外或作痛或赤腫或寒熱月經旬日而止潮熱內熱自汗盜汗余以爲肝脾氣血俱虛而有熱用歸脾湯六味丸而愈

一婦人性急或耳內作痛或耳外赤腫發熱脇脹日晡益甚余以爲怒氣傷肝氣血俱虛朝用加味逍遙散加黃柏桔梗夕用歸脾湯送地黃丸而愈

婦人耳內作痛或項側結核內熱晡熱月經不調吐痰少
食胸膈不利余以為鬱怒傷肝脾朝用歸脾湯以解脾鬱生脾
氣夕用加味道遙散以清肝火生肝血而愈
一女子耳下腫赤寒熱口苦月經不調小腹內結一塊此肝火
氣滯而血凝也先用小柴胡加山梔川芎丹皮又用柴胡清肝
散而痊

附治驗方藥

小柴胡湯 治肝膽經症寒熱往來晡熱潮熱身熱默默不欲
飲食或怒火口苦耳聾咳嗽發熱脇下作痛甚者轉側不便
兩脇痞悶或瀉利咳嗽或吐酸食苦水皆用此藥主之
柴胡二錢 黃芩錢一 人參 半夏各七分
甘草五分 右薑水煎服

加味小柴胡湯

治肝膽經風熱耳前後腫痛或結核癩癩
寒熱晡熱或經候不調等症即小柴胡加山梔牡丹皮

益脾清肝散

治肝經之症寒熱體痛脾胃虛弱

人參 白朮 茯苓 甘草 柴胡
川芎 當歸 黃芪 錢各一 錢各一 錢各一 五分

牡丹皮 七分 右水煎服

梔子清肝散

治三焦及肝膽經風熱耳內作痒或生瘡出水
或脇肋胸乳作痛寒熱往來

柴胡 山梔 炒 牡丹皮 錢各一 茯苓

川芎 芍藥 當歸 牛蒡子 炒各七分

白朮 炒 甘草 各五分 右水煎服

柴胡清肝散

治肝膽三焦風熱怒火以致項胸作痛或頭目
十 日百九九

不清或耳前後腫痛或寒熱體疼。

柴胡

黃芩炒五分

人參

山梔炒

川芎各一錢

連翹

桔梗各八分

甘草五分

右水煎服

犀角地黄湯

治上焦有熱口舌生瘡發熱或血妄行或血衄

或下血

犀角鎊

生地黄

白芍藥

黃芩炒

牡丹皮

黃連炒各一錢

右水煎服若因怒而患加柴胡山梔

犀角升麻湯

治陽明經風熱牙疼或唇頰腫痛或手足少陽

經風熱連耳作痛

犀角鎊

升麻

防風

羌活各一錢

白附子五分

川芎

白芷

黃芩炒各七分

甘草五分

右水煎熟入犀末服

益陰腎氣丸

方見六卷第三論

婦人癩癧方論第三

婦人癩癧或因憂思鬱怒或因胎產經行則肝膽脾腎受傷以致前症蓋肝傷則血燥血燥則筋攣累累如貫珠多生耳前後胸脇間若寒熱腫痛乃肝氣動而為病用柴胡梔子散以清肝火為主佐以逍遙散以養肝血若寒熱既止而核不消乃肝經之血亦病矣宜用加味四物湯以養肝血為主佐以柴胡梔子散以清肝火若初生如荳附着於筋肉色不變內熱口乾精神倦怠久不消潰乃肝脾虧損用逍遙散歸脾湯六味丸以健脾土培肝木切不宜用散堅追毒之劑故外臺秘要云肝腎虛熱

則生癰矣。病機云：癰瘰不係膏粱丹石之毒，因虛勞氣鬱所致。補形氣調經脈，其瘡當自消散。若誤下之，先犯病禁，經禁矣。若久潰不斂，脈浮大，邪火盛也。面色眊白，金尅木也。皆不治。凡癰瘰赤脈貫瞳子有幾條，則幾年死，無則可治。

附治驗

一婦人患前症久而不愈，或以爲木旺之症，不宜於春，預用散腫潰堅湯，腫硬益甚。余以爲肝經虧損，用六味地黃丸補中益氣湯，至春而愈。此症若肝經風火自病，元氣無虧，可用散堅瀉青之劑。若肝自損虧，或水不生木，用地黃丸。若金來尅木，須補脾土生腎水。若行攻伐，則脾胃傷而反致木尅土矣。

一婦人患之，少寐年餘而潰膿水淋漓，月經或五六十日一至，悞服通經丸，展轉無寐。子前惡寒，午後發熱。余謂思慮傷脾，用歸脾湯作丸，午前以六君子送下，午後以逍遙散送下，兩月餘得寐。半載後經行如期，年餘而瘡愈。

一婦人潰後發熱，煩躁作渴，脈大而虛。此血虛也。以當歸補血湯六劑而寒熱退，又以聖愈湯數劑而全愈。更以八珍加貝母遠志而瘡斂。

一癰婦面黃體倦，噯酸噯氣。余以爲中氣虛弱，欲用補中益氣湯，加茯苓半夏，不信。反降火利氣，胸膈痞滿，癰瘡腫痛，又散堅利氣，噯氣不絕，大便不實，四肢時冷。余曰：今變中氣虛寒矣。用六君子湯加姜桂，少用升麻柴胡，漸愈。更佐以補中湯尋愈。

一婦人患此噯氣，用降火清胃，食少吞酸，胸膈痞悶，用利氣消導，吐痰氣促，飲食日少，用清熱化痰，大便堅澀，內熱身瘦。余曰：吞酸噯氣，脾胃氣虛也。胸痞痰喘，脾肺氣虛也。大便堅澀，內熱

日瘦脾肺血虛也。遂以補中益氣加炒黑吳茱萸三分。數劑。佐以六味丸。諸症頓退。乃用歸脾湯。逍遙散。間服而愈。

一婦人患前症。遍身作痒。脈大而虛。此氣血俱虛。不能榮於腠理。以十全大補湯治之而愈。大凡潰後。午前痒。作氣虛。午後痒。作血虛。若作風症治之。必死。

一婦人項核腫痛。察其氣血俱實。先以必效散一服去之。更以益氣養榮湯三十餘劑。補之而消。蓋此症初起。而血氣虛弱者。先用前湯。待其氣血稍充。乃用必效散。以去其毒。仍用補藥。無不奏效。若已成膿者。即針而補托之。氣血復而核不消者。服散堅之劑。倘不應。而氣血如故。仍以必效散養榮湯。又不應。炙肘尖。肩髃二穴。用豆豉餅。琥珀膏。自愈。若氣血壯實。不用追蝕。亦能自腐。用藥以腐之者。使易於收斂耳。若血虛而用追蝕。不惟

無益。適以取敗。凡不慎飲食七情者。不治。

附方藥

當歸川芎散 治手足少陽經血虛瘡症。或風熱耳內痒痛。生瘡出水。或頭目不清。寒熱少食。或經水不調。胸膈不利。腹脇痞痛。小便不調。

- 當歸 川芎 柴胡 白朮炒
- 芍藥炒各一錢 山梔炒二分 牡丹皮 茯苓各八分
- 蔓荊子 甘草各五分 右水煎服

若肝氣不平。寒熱往來。加柴胡地骨皮。肝氣實熱。加柴胡黃芩。肝脾氣血虛熱。加參芪熟地。脾虛飲食少思。倍加白朮茯苓。脾虛胸膈不利。加人參黃芪。脾虛痰滯。胸膈不利。加半夏。肝氣不順。胸膈不利。加木香。肝虛小腹痞滿。或時作痛。加熟

地脾血不足。小腹作疼。加肉桂。日晡發熱。加熟地。加味地黃丸。治肝腎陰虛諸症。或耳內疼痛出水。或眼昏痰喘。或熱渴便澀等症。

乾山藥 山茱萸肉 牡丹皮 澤瀉

白茯苓 熟地黃自製 生地黃 柴胡

五味子各另為末等分

右將二地黃酒拌杵膏加蜜丸。桐子大。每服百丸。空心白湯下。如不應。用加減八味丸。

人參養榮湯 治潰瘍寒熱。四肢倦怠。體瘦少食。面黃氣短。不能收斂。大瘡愈後多服之。庶不變他症也。

白芍藥一錢五分 人參 陳皮 黃芪炒
桂心 當歸 白朮炒 甘草各一錢

熟地黃自製 五味子杵炒 茯苓各七分 遠志去心炒五分

右薑棗水煎服

瀉青丸 治肝經實火。脇乳作痛。或惡寒發熱。大便秘結。

當歸 龍膽草炒焦 川芎 山梔炒
大黃炒 羌活 防風各等分

右為末。蜜丸。桐子大。每服三四丸。白湯下。若陰血不足。肝火血燥。用四物加山梔柴胡。或逍遙散加丹皮山梔。若腎水虧損。不能生肝木而筋攣結核。或肢節拳攣。或似中風。涎痰上湧。用六味丸料煎服。

生地黃丸 治師尼寡婦室女。乍寒乍熱。或頸間結核。肝脈絃長。而出魚際。

生地一兩 酒蒸 黃芩 硬柴胡各五錢

婦人頭... 藥... 卷之二十四

赤芍藥 一兩

右為末入地黃丸加煉蜜少許。丸桐子大。每服三十丸。烏梅煎湯下。日進二服。

連翹飲子 治肝膽經氣滯。癰癧結核。或乳內結核者。

連翹 川芎 瓜蔓仁研 皂角刺炒 橘葉

青皮 甘草節 桃仁各一錢 右水煎服

散腫潰堅湯 治癰癧堅硬。氣血無虧者宜用。

升麻 連翹 當歸尾酒拌 白芍藥炒

黃柏酒炒 葛根 連翹 三稜酒拌 微炒

廣木各三分 龍膽草酒炒 桔梗炒 昆布

知母酒炒 瓜蔓根各五分 柴胡四分 黃芩酒炒四分

甘草炙二分 右水煎服

必効散 治癰癧未成者。潰已潰者。飲須元氣無虧者。可服。若孕婦禁餌。

南礪砂二錢 輕粉 一錢 麝香 五錢 巴豆五粒去殼心膜

斑貓四十枚土頭翅同糯米炒熟去米 白檳榔 一个

右為末每服一錢。五更用滾湯調下。如小水滯滯或微痛。此癰毒欲下也。進益元散一服即下。此方斑貓巴豆似為峻厲。然用巴豆乃解斑貓之毒。用者勿畏。

益元散

滑石末六錢 甘草末 右每服一錢白湯調

琥珀膏 治頸項或腋下初結小核。漸如連珠潰而膿水不絕。

或漏症者

琥珀 一兩 丁香 桂心 硃砂

婦人頭方

卷之二十四

四

木香

松香

白芷

防風

當歸

木通

木鼈子

肉各五錢麻油二斤

右先用琥珀等六味為末其餘藥入油煎焦黑濾去粗徐徐入黃丹再煎軟硬得中入前末即成膏矣
針頭散 治一切頑瘡內有瘀肉或癰核不化瘡口不合宜此藥腐之

赤石脂五錢

乳香

白丁香

砒霜生用

黃丹各一錢

輕粉

麝香各五錢

蜈蚣一條

右為末擦瘀肉上其肉自化若瘡口小用糊和作細條陰乾紐之凡瘡久不合者內有膿管必須用之

逍遙散

歸脾湯二方見本卷第四論

柴胡清肝散

梔子清肝散二方見本卷第一論

補中益氣湯方見本卷第十論

四物湯

加味四物湯

六君子湯三方見本卷第六論

六味丸

當歸補血湯二方見本卷第十一論

聖愈湯方見本卷第九論

益氣養榮湯方見本卷第五論

灸肩髃肘尖法見本卷末

婦人結核方論第四

婦人腹方

六

婦人結核皆因鬱怒虧損肝脾。或因胎產經行失於調養。或因暴怒觸動膽火。若結於項側耳前後。或胸脇腫痛。或發寒熱。屬膽經風熱。怒火宜用柴胡清肝散。加鈞藤山梔。以養血氣清肝火。若結於肉裡。其色不變。晡熱內熱。屬肝火血虛。宜用加味逍遙散。加龍膽草以養肝血清肝火。或結於肢節。或累累如貫珠。其色不變。亦肝火血燥。而筋攣。宜用柴芍參苓散。加鈞藤以養血氣。佐以六味丸以生腎水。若時消時作。此氣滯而痰結也。用歸脾六君二湯。以調和脾肺之氣。並佐以海藻丸。若潰而核不腐。或肉不生。或膿水清稀。肌寒肉冷。自汗盜汗。寒熱內熱。面色痿黃。食少體倦。便利不調者。五臟皆虛也。但用補中益氣加味六君子二湯。調補脾胃。以滋諸臟。則各症自退。故經云。形傷則痛。氣傷則腫。慎不可輕用行氣破血之劑。以復傷也。

附治驗

一婦人項結核。寒熱頭痛。脇脹乳痛。內熱口苦。小便頻數。屬肝火血虛。用加味四物而愈。又用加味逍遙散。調補肝脾而安。

一婦人經事不調。肢體結核。如榛如豆。不計其數。隱於肉裏。其色不變。三年餘矣。大按則痛。或投以降火消毒。乃不按自痛。發熱作渴。日晡益甚。經水過期。左關脈數。此肝火血燥也。用清肝益榮湯。六十餘劑。諸症悉愈。惟項核未消。又以當歸龍薈丸數服。及八珍湯。加柴胡山梔三十餘劑而痊。

一婦人久鬱怒。胸脇內股外膝各結核。寒熱往來。經候不調。胸膈不利。飲食少思。大便不調。左關弦洪。左寸弦數。右關弦緊。右寸弦浮。余謂左關弦洪。肝經熱也。左寸弦數。木生火也。右關弦緊。肝尅脾也。右寸弦浮。木侮金也。法當生肝血。遂用加味四物

湯而諸症退。用加味道遙散而經候調。用加味歸脾湯而全愈。
一婦人因怒。肢體結核。睡中發搐。左關弦洪。余曰。此為肝火。血燥筋攣。當清肝火。養元氣。遂用加味小柴胡湯。加味道遙散。漸愈。又用八珍湯。加牡丹皮。柴胡。山梔。釣藤。而愈。
一婦人肢體結核。胸腹痞悶。氣泄稍寬。余謂此肝脾鬱滯。不信。服降火行氣化痰病愈。甚而氣愈虛。余用加味道遙。加味歸脾。二藥間服。半載而痊。
一婦人項間結核。不時寒熱。左目緊小。頭項振掉。四肢抽搐。此肝火血虛風熱也。用加味道遙。加釣藤數劑。諸症漸愈。又用八珍湯調理而痊。
一婦人耳內耳後項側結核作痛。寒熱口苦。月經不調。此肝膽經火而傷脾胃也。用四君。柴胡。丹皮。及六味。地黃。而愈。

一婦人因怒結核。經行不止。發熱晝安。靜而夜譫語。此血分有熱也。用小柴胡。加生地。頓安。其核尚在。經候先期。肝脈弦數。此肝火血涸而筋攣也。用加味道遙。加生地。月經如期。而核消。
一婦人項臂結核。頭痛寒熱。乳內時疼。兩脇痠痛。余以為肝脾鬱火而血燥。先以加味道遙散。再用加味歸脾湯而愈。
一婦人素鬱怒。患前症。內熱晡熱。久而不愈。若面色痿黃。則月經過期而少。若面色赤。則月經先期而多。余曰。面黃過期。脾經虛弱也。面赤先期。脾虛火動也。朝用補中益氣。升舉脾土。以益氣血。夕用加味道遙。滋養肝血。以息陰火。復以歸脾湯解鬱結。半載復元氣而痊。又有患前症。因脾虛下陷而發熱。乃專治其瘡。變瘰而歿。
一女子耳下結核。痲痛寒熱。此屬肝經風熱。用梔子清肝散。

劑諸症悉愈。後因怒耳後并額兩角作痛寒熱此兼少陽經症。仍以前藥加羌活二劑而瘥。

一婦人項患五核時常寒熱肝肺弦長而出寸口。此血盛無耦之症也。用小柴胡湯加生地烏梅治之而愈。

一婦人腹中結塊誤認血驚服驅逐之藥下血甚多致肢節間結核。治法見二十卷第十一論。

附方藥

八珍湯 治脾胃湯損惡寒發熱或煩躁作渴或因脾胃虧損膿水清稀久不能愈等症。即四君四物二湯相合。方見本卷第二論
十全大補湯 治瘡瘍胃氣虛弱腫痛不消或潰而不斂或自汗盜汗食少體怠或寒熱作渴頭痛眩暈或似中風又治氣血俱虛胸腹脇痛或作脹滿或骨節作痛經候不調或寒熱

晡熱五心煩熱或吐血咽乾頭痛眩暈眼目昏澁或痰嗽喘

促胸膈虛痞或嘔吐泄瀉手足冷熱即八珍湯加黃芪肉桂

加味逍遙散 治肝脾血虛有熱遍身搔痒或口燥咽乾發熱盜汗食少嗜臥小便澀滯等症又治瘰癧流注虛熱等瘡。

- 甘草炙 當歸炒 芍藥酒炒 茯苓
- 白朮炒各錢 柴胡 牡丹皮 山梔炒五分

右水煎服

逍遙散即前方去丹皮山梔

歸脾湯 治脾經失血少寐發熱盜汗或思慮傷脾不能攝血以致妄行或健忘怔忡驚悸不寐或心脾傷痛嗜臥少食或憂思傷脾血虛發熱或肢體作痛大便不調或經候不準晡熱內熱或瘰癧流注不能消散潰斂

人參 白朮炒 黃芪炒 白茯苓

龍眼肉 當歸 遠志 酸棗仁炒各一錢

木香 甘草炙各五分 右薑棗水煎服

加味歸脾湯即前方加柴胡山梔

柴朮參苓湯 治肝火血熱遍身瘙癢或起赤暈或筋攣結核

白朮炒 人參 茯苓各一錢 柴胡

川芎 山梔炒 芍藥炒 甘草炒各五分

熟地自製 當歸各八分 右水煎服

柴芍參苓散 治肝膽經部分結核癰癤瘤瘕等症或肝血燥

熱脾氣虛弱發熱少食

柴胡 芍藥炒 人參 茯苓

白朮炒 山梔炒 陳皮 當歸各一錢

牡丹皮 甘草各五分 右薑棗水煎服

清肝益榮湯 治肝膽經風熱血燥筋攣結核或作瘕子

柴胡 山梔炒各五分 當歸 川芎

芍藥炒各一錢 熟地黃自製 白朮炒 木瓜不犯鐵器

茯苓各五分 甘草三分 薏苡仁五分 龍膽草酒拌炒黑五分

右水煎服

清熱涼血飲 治風熱血燥丹毒等症大便秘結

當歸 川芎 大黃炒 芍藥炒

生地黃各一錢 右水煎服

神効開結散 消癭塊甚効

沉香 木香各二錢 橘紅四兩 珍珠四十九粒入砂罐內以蓋

泥封固煨赤取 猪厭肉子四十九枚用豚猪者生項間如棗子大

出去火毒用 神効開結散

右為末每服一錢臨臥酒調徐徐嚥下患小者三五服大者一劑可愈切忌酸鹹油膩滯氣之物須用除日於靜室修台

海藻散堅丸

治肝經癭瘤

昆布各二兩

小麥四兩醋柴胡二兩

龍膽草

酒拌炒

右為末煉蜜丸桐子大每服二三十九臨臥白湯送下噤化

九味柴胡丸

方見本卷第八論

梔子清肝散

柴胡清肝散

二方見本卷第一一論

生地黄丸

方見本卷第三論

○婦人流注方論第五

婦人流注或因憂思鬱怒虧損肝脾或因產後勞役復傷氣血以致營氣不從逆於肉理腠理不密外邪客之或濕痰流注或跌撲血滯或產後惡露則氣流而注血注而凝或生於四肢關節或流於胸腹腰髖或結塊或漫腫皆屬虛損急用葱熨及益氣養榮湯則未成者自消已成者自潰若腫起作痛起居如常飲食如故屬病氣有餘形氣未損者尚可治若漫腫微痛起居倦怠飲食少思屬形氣病氣俱不足最為難治不作膿或膿成不潰氣血虛也用八珍湯憎寒畏寒陽氣虛也十全大補湯補熱內熱陰血虛也四物加參朮作嘔欲嘔胃氣虛也六君加炮薑食少體倦脾氣虛也補中益氣加茯苓半夏四肢逆冷小便頻數命門火衰也八味丸小便頻便痰盛作渴腎水虧損也六味丸月經先期不日而止肝脾虛弱也月經過期多日不止肝

脾虛熱也。八珍湯加柴胡丹皮。凡潰而寒凝瘡口不斂者。用豆豉餅祛散之。其潰而有膿管不斂者。用針頭散腐化之。若不補氣血。不節飲食。不慎起居。不戒七情。或用寒涼剋伐者。俱不治。

附治驗

一婦人左臂患之。年許不潰。堅硬不痛。脈弱少食。月經過期。日晡發熱。勞怒則痛。此形氣虛而逆於肉裡也。與參芪歸朮。川芎芍藥。熟地貝母。遠志香附。桔梗丹皮甘草。百餘貼而消。

一婦人因暴怒而腰腫一塊。或胸膈不利。或走氣行痛。此營氣鬱滯。與方脈流氣飲數劑而止。更以小柴胡對四物。加香附貝母。月餘而愈。

一婦人因怒脇下腫痛。胸膈不利。脈息沉滯。此營氣鬱遏而為腫。用方脈流氣飲數劑。少愈。以小柴胡對二陳。加青皮桔梗貝母。月餘而愈。

母數劑頓退。更以小柴胡對四物。二十餘劑而痊。

一婦人因閃胸肩腫。遍身作痛。用黑丸子二服而痛止。又用方

脈流氣飲二劑而腫消。更以二陳對四物。加香附枳殼桔梗。愈而

一婦人患此。遇勞必痛。重手按之痛乃止。屬氣血俱虛。用十全

大補湯六味丸逍遙散而痊。

一婦人先肢體作痛。後患流注發熱惡寒。食少脇脹。月經不調。痰盛喘嗽。五心煩熱。健忘驚悸。盜汗無寐。悉屬肝脾虧損。氣血不足。用十全大補。加味歸脾。兼服諸症悉痊。

一婦人素頭暈。患流注月經遲少。此屬中氣虛弱。用補中益氣湯而愈。後因勞仆地。月經如湧。此勞傷火動。用前湯加五味子一劑而愈。

一婦人患前症。用行氣化痰等藥。胸膈不利。飲食少思。用疎利

之藥大便作泄中滿不食余以為脾胃復傷用補中益氣湯加
煨薑脾胃健飲食進又用六君加芎歸百餘劑而愈
一婦人素鬱結肩臂各腫如覆杯余以為肝脾虧損用加味逍
遙散百餘劑元氣復而腫消後因勞役怒氣經行不止服涼血
之劑其血如崩余以為此因脾氣復傷下陷而血從之朝用補
中益氣湯夕用加味歸脾湯而愈
一婦人懷抱鬱結不時心腹作痛寒熱倦怠服行氣化痰等劑
遍身結核大小不一二十餘枚諸藥不應余用加味歸脾湯而
一婦人腿患筋攣骨痛諸藥不應脈遲緊此肝脾氣血虛弱而
寒氣之變也用大防風湯二劑頓退又二劑而安又一婦患之
亦然先用前藥二劑更服黑丸子而痊此一患若不早治以致
內潰必成敗症矣

一婦人患前症潰後發熱余以為氣血俱虛彼不信乃服敗毒
表散之藥果發大熱竟至不救夫潰瘍雖有表症發熱宜以托
裏為主而佐以表散之劑况於瘰癧流注乎

附方藥

仙方活命飲 治一切瘡瘍未成者即散已成者即潰又止痛

消毒之良劑也

白芷

貝母

防風

赤芍藥

當歸尾

甘草節

皂角刺炒

穿山甲炙

天花粉

乳香

沒藥各一錢

金銀花

陳皮各三錢

右用酒一大碗煎五七沸服

托裡消毒散

治瘡疽元氣虛弱或行攻伐不能潰散服之未

成即消已成即潰腐肉即去新肉即生

婦人良方 卷之二十一 四

人參

黃芪

當歸

川芎

芍藥

白朮

茯苓

金銀花

白芷

甘草

右水煎服

托裡散 治瘡瘍因氣血俱虛不能起發或腐潰不能收斂及

惡寒發熱者

人參

黃芪

白朮

陳皮

當歸

熟地黃

茯苓

芍藥

右水煎服

益氣養榮湯 治懷抱抑鬱癩癧流注或四肢患腫肉色不變

或日晡發熱或潰而不斂

人參

茯苓

陳皮

貝母

香附

當歸

川芎

黃芪

熟地黃

芍藥

甘草

桔梗

白朮

右薑水煎服

木香餅 治氣滯結腫閃肭風寒所傷作痛

木香

生地黃

右木香為末。地黃杵膏和勻。量患處大小作餅置患處以熱

熨斗熨之。腫痛悉退

二陳湯 治中脘停痰飲食少思嘔逆等症

陳皮

茯苓

半夏

甘草

右水煎服

方脈流氣散 治腦怒胸膈脹滿或肢體作痛或結壅腫血氣

無虧方見第三卷第七論等症

隔蒜灸法 治一切瘡毒大痛或不痛或麻木如痛者灸至不

痛人更方 幸天醫按卷之二十一

痛不痛者灸至痛其毒隨火而散用大蒜頭去皮切三分厚安瘡頭上用艾壯於蒜上灸之三壯換蒜復灸未成者即消已成者亦殺其大勢不能為害如瘡大用蒜搗爛攤患處將艾鋪上燒之蒜敗再換仍服托裏之劑如不痛或不作膿不起發者不治此氣血虛極也

神效葱熨法 治虛怯人肢體患腫塊或不痛或作痛或風襲於經絡肢體疼痛或四肢筋攣骨痛又治流注跌撲損傷腫痛用葱頭細切杵爛炒熱敷患處冷易之再熨腫痛即愈其効如神此外補陽氣而運散壅滯之法也

豆豉餅 治瘡瘍腫硬不潰或潰不斂并一切頑瘡惡瘡用江西豆豉為末唾津和作餅大如錢厚如三文置患處加艾壯於上灸之乾則易之若背瘡大者用漱口水和餅覆患處鋪

艾於上灸之如未成者則消已成者能殺其毒有不効者乃氣血虛也為不治

大防風湯

方見本卷第九論

八珍湯

方見本卷第三論

十全大補湯

方見本卷第四論

六君子湯

四物湯

二方見本卷第六論

補中益氣湯

方見本卷第十論

八味丸

六味丸

二方見本卷第十一論

針頭散

方見本卷第三論

小柴胡湯

方見本卷第二論

婦人良方

薛氏醫案卷之二十四

卷

二百一十

黑丸子一名和血定痛丸方

婦人血風瘡論第六

婦人血風瘡因肝脾肺經風熱或鬱火血燥所致其外底或身發疣瘡搔痒或加丹毒痒痛或搔破膿水淋漓其內症月經失常小便不調夜熱內熱自汗盜汗惡寒憎寒肢體倦怠飲食不甘寒熱往來若發熱作痛屬肝經風熱用當歸飲加柴胡山梔若寒熱作痛屬肝脾鬱火用小柴胡加山梔黃連若疣瘡搔痒屬肺經風熱用清熱消風散若經候失常內熱晡熱屬肝脾血虛用加味逍遙散若肢體倦怠寒熱往來屬肝脾氣虛用加味四君子加柴胡丹皮若夜熱作渴或兼譫語乃血分有熱用小柴胡加生地黃血虛用四物合小柴胡若無寐盜汗內熱晡熱乃脾經血虛用歸脾湯兼寒熱加山梔若愈後身起白屑搔則

肌膚如帛所隔此氣血虛不能榮於腠理用十全大補湯若用風藥以治其外則陰血復傷反致他症矣

附治驗

一婦人素清苦四肢患之誤服敗毒寒涼晡熱內熱自汗盜汗月經不行口乾咽燥余謂四肢者脾之所主當調養脾血其病自愈遂用歸脾湯數劑而愈

一婦人性躁患之寒熱口苦脇痛耳鳴腹脹溺澹年餘矣此屬肝火傷脾用四君子加柴胡炒山梔炒龍膽數劑更與逍遙散煎服而瘳愈又與六味丸及逍遙散七十餘劑而愈

一婦人日晡身痒月餘口乾又月餘成瘡服祛風治瘡之劑膿水淋漓午前畏寒午後發熱殊類風症余謂此肝火傷脾外邪所搏先用補中益氣加山梔釣藤又以逍遙散加川芎貝母而愈

婦人血風瘡論第六 附治驗 一婦人素清苦四肢患之誤服敗毒寒涼晡熱內熱自汗盜汗月經不行口乾咽燥余謂四肢者脾之所主當調養脾血其病自愈遂用歸脾湯數劑而愈

婦人良方 卷之二十四
一婦人瘙痒發熱日晡益甚皮膚赤暈月經過期此血虛而有熱也以逍遙散加熟地熱止痒退更以四物加柴胡參芪炙草茯苓調理遂愈

一婦人懷抱久鬱患前症膿水淋漓服連翹消毒散食少胸痞服清氣化痰湯作嘔吐痰服清熱化痰丸煩熱畏寒四肢厥熱面目赤色脈大而無力余以為脾胃虧損而虛寒隔陽氣於外遂用六君子湯加炮薑治之諸症稍愈飲食頓進又佐以四物湯諸症漸愈又以四君子每味各一錢四物湯每味各五分諸症全愈後因勞肺熱體倦懶食小腹痞墜小便澀滯自用四物黃柏知母晡熱尤甚更煩渴眩暈余以為脾氣下陷用補中益氣湯漸愈乃佐以逍遙散而安後月經至如崩前症復作此脾氣傷而不能統血血虛而陰火動也仍用補中益氣而痊

一女子十一歲善怒遍身作痒用柴胡川芎山梔芍藥以清肝火以生地當歸黃芩以涼肝血以白朮茯苓甘草以健脾土而愈半年後遍身起赤痕或時眩暈此肝火熾盛血得熱而妄行是夜果經至

附方藥

當歸飲 治血熱癰疹痒痛膿水淋漓發熱等症

當歸

白芍藥

川芎

生地黃

白蒺藜炒

黃芪錢各一

防風

荆芥

何首烏不見器

甘草錢各五

右水煎服

四君子湯

治胃氣虛弱或因尅伐以致腫不消散潰不收斂

者宜用此藥調補脾胃諸症自愈若誤用攻毒七惡隨至若飲食少思或食難化或欲作嘔或大便不實瘡口出血吐血

便血尤宜用之。凡氣血俱虛之症，宜用前湯。但加當歸，則脾胃健，飲食進，陰血生。若用四物沉陰，則脾胃復傷，反致他症。若命門火衰而脾土虛寒者，必用八味丸以補土母。

人參

白朮

茯苓各二錢

甘草錢一

右薑棗水煎服

加味四君子湯，即前方四君子加川芎、當歸。

六君子湯，治症同前，即四君子湯加陳皮、半夏各一錢。若中

氣虛寒，假熱誤服寒涼，尅伐以致四肢發熱、口乾舌燥、嘔吐。

此因寒氣隔陽於外，須更加姜桂，不應急加附子。

四物湯

治血虛或因失血或因尅伐或因潰後以致晡熱、內

熱煩躁不安。若脾虛不能生血者，宜四君加當歸，并酒炒白

朮以補脾土，其血自生。若血虛發熱，誤服寒涼，尅伐之劑，以

致發熱作渴，日紅面赤，脈洪大而虛，此血脫煩躁，急用當歸補血湯。

當歸 酒拌 一錢

熟地黃 三錢 錢炒 一

川芎 一錢

右水煎服

加味四物湯，即四物加柴胡、牡丹皮、山梔。

神效當歸膏

治一切瘡瘍搔痒疼痛，去腐肉，生新肉，其效如

神。如洗拭換膏，必須預備，即貼之。新肉畏風，故也。如用白蠟

尤好。此藥生肌止痛，補血續筋，故與新肉相宜。

當歸

生地黃

黃蠟 各一兩

麻油 六兩

右先將當歸、地黃入油煎黑，去粗，入蠟溶化，候冷攪勻，即成

膏矣。

如用白蠟減半。

滋陰腎氣丸

方見六卷第三論

小柴胡湯 方見本卷第二論

歸脾湯

逍遙散 二方見本卷第四論

六味丸 方見本卷第十一論

補中益氣湯 方見本卷第十論

○婦人赤白遊風方論第七

婦人赤白遊風屬肝經怒火血燥生風或脾經鬱結血虛生熱或腠理不密風邪外襲其症或疥瘡瘙癢或膿水淋漓白屬氣而赤屬血因得風而遊行也若肝經血燥用柴胡清肝散肝經怒火用梔子清肝散肝經血熱用加味四物湯肝火血虛用六味地黃丸脾經鬱熱用加味歸脾湯肝脾血虛風熱用加味逍遙散若因風邪鬱熱所致用荆防敗毒散或專用祛風之劑肝

血愈燥則血隨火化反為敗症矣

附治驗

一婦人素清苦因鬱怒患前症晡熱內熱自汗盜汗月經不行口乾咽燥余謂此鬱氣傷脾乃以歸脾湯數劑諸症稍退後兼逍遙散五十餘劑而愈

一婦人患此性躁寒熱口苦脇痛耳鳴腹脹溺瀉乃肝脾血虛火旺也用六君加柴胡山梔龍膽數劑更與逍遙散兼服漸愈又與六味丸逍遙散七十餘劑諸症悉退

一婦人患前症誤服大麻風藥破而出水煩渴頭暈誠類風症六脈洪數心肝脾為甚余曰風自火出此因怒火脾胃受邪血燥而作非真風症也與逍遙散六味丸以清肝火滋脾血生腎水而愈

婦人良方 卷之二十四
一婦人患前症久不愈食少體倦此肝脾虧損陰虛發熱也先用補中益氣加川芎炒梔元氣漸復更以逍遙散而瘡漸愈
一婦人身如丹毒搔破膿水淋漓熱渴頭暈日晡益甚用加味逍遙散而愈

一婦人患赤遊風晡熱痒甚余用清肝養血之劑不信乃服大
麻風藥管痛筋攣又服化痰順氣之劑四肢痿弱又一婦患前
症數用風藥煎湯泡洗以致腹脹並歿

一女子赤暈如霞作痒發熱用加味小柴胡加生地連翹丹皮
而愈大凡女子天癸未至婦人月經不調受驚着腦多有此症

附方藥

消風散 治風寒癢疹痒痛或膿水淋漓頭皮腫痒

荆芥穗 甘草炙 陳皮 人參

茯苓 白僵蚕炒 防風 芎藭

藿香 羌活 蟬蛻各一錢 厚朴姜製五分

右水煎服

大連翹飲 治風熱熱毒或赤白遊風表裏皆受患者

連翹 藿麥 荆芥 木通

赤芍藥 蟬蛻 甘草 防風

柴胡 滑石 山梔 黃芩炒

當歸各一錢 右水煎服

當歸飲 治風熱赤白遊風作痒忽癢破膿水淋漓等症

四物湯 治赤白遊風血虛發熱或晡熱頭目不清或煩躁不

寐或胸脇作痛等症

六君子湯 治脾氣虧損皮膚瘙痒或癢疹不消三方見本卷第六論

加味小柴胡湯 治肝膽經風熱怒火赤白遊風或寒熱往來

晡熱潮熱身熱或口苦耳聾等症 方見本卷第二論

加味逍遙散 治血虛有熱遍身瘙癢赤白遊風發熱晡熱等

逍遙散即前方去丹皮山梔

歸脾湯 治脾經血虛癢瘁發熱少寐盜汗等症 三方見本卷第四論

荆防敗毒散 方見本卷第十論

○婦人疝症方論第八 一名便癰一名便毒俗名痞子

婦人疝症或肝經濕熱下注或鬱怒傷損脾肝其外症或兩拗小腹腫痛或玉門焮腫作痛或寒熱往來憎寒壯熱其內症或小便澀滯或腹內急痛或小腹痞悶或上攻兩脇或晡熱重墜若兩拗小腹腫痛肝經濕熱壅滯也用龍膽瀉肝湯玉門腫脹肝火血虛也用加味逍遙散及龍膽瀉肝湯加木香若槩投散

血攻毒之劑則誤甚矣

附治驗

一婦人拗中赤腫脹痛此膿內作用托裏消毒散加柴胡數劑潰而膿清寒熱乃氣血復虛用托裏散而寒熱止用十全大補百餘劑而斂

一婦人腹拗腫痛寒熱口苦或時帶下此肝經濕熱不利也用龍膽瀉肝湯而腫痛消用加味逍遙散而寒熱退

一婦人腹拗腫痛小水不利時或胸乳作痛脇腹作脹此肝火氣滯用四物柴胡青皮玄胡索木香而愈

一婦人拗中作痛小腹痞悶小便不利內熱體倦飲食少思此肝火內動脾胃受傷也用加味歸脾湯柴胡清肝散而安

一婦人拗中腫脹小腹作痛服下血之劑其痛益甚更吐瀉少

食余以為肝脾復傷用六君子湯加升麻柴胡而愈
一婦人兩脇腫痛腹內一塊不時上攻月經不調小便不利余
以為肝脾氣滯而血傷以四君加芎歸柴胡山梔而愈後因鬱
怒前症復作兼胸滿腹脹盜汗此肝木甚而傷脾土也用加味
歸脾湯下蘆薈丸而痊

一婦人小腹內或作痛或痞悶兩脇腫痛內熱寒熱胸膈不利
飲食不甘形體日瘦此肝氣滯而脾氣傷也朝用補中益氣湯
夕用蘆薈丸漸愈更用六味地黃丸全愈

一婦人兩脇腫痛小腹痞脹白帶時下寒熱往來小水淋瀝余
作肝氣滯而血病用龍膽瀉肝湯漸愈又用加味逍遙散六味
地黃丸全愈

一婦人患前症胸脇脹悶或小水不利或時腹痛此肝火氣病

先用龍膽瀉肝湯以清肝熱又用加味逍遙散以生肝血六味
地黃丸以滋腎水而愈

一婦人患前症余以為肝脾鬱怒不信另服化痰利氣之劑胸
腹愈脹又服峻利疎導之劑變脾虛發腫而效

一婦人患前症內熱作渴飲食不甘肢體倦怠陰中作梗小便
赤澀此脾經鬱結脾經濕熱用加味歸脾湯而愈後因怒復作
小腹脹痛用小柴胡加山梔芎歸痛止又用加味逍遙散而愈

一婦人兩脇作痛寒熱內熱小便赤澀胸脇不利此肝火動而
脾氣傷也用補中益氣湯加茯苓數劑少愈又與加味歸脾湯
諸症悉退再用加味道遙散而愈

一婦人小腹痞悶溺瀦內熱體倦懶食此肝火動而脾血傷也
用八珍加柴胡山梔膽草而安

一婦人陰中如梗兩切腫痛寒熱不食小便頻數小腹重墜余以為肝脾鬱怒所致先以補中益氣加茯苓山梔車前子青皮以清肝火升脾氣更以加味歸脾湯調理脾鬱而愈

附方藥

龍膽瀉肝湯 治肝經濕熱兩切腫痛或腹中疼痛或小便澀滯等症

龍膽草 酒拌黃澤瀉 各一錢 車前子 炒 木通

生地黃 酒拌當歸 酒拌 山梔 炒 黃芩 炒

甘草 各五分 右水煎服

九味柴胡湯 治肝經濕熱下注便毒腫痛或小腹脇肋結核凡肝膽經部分一切瘡瘍或風熱結核癩癧

柴胡 黃芩 炒 各一錢 人參 山梔 炒

半夏 龍膽草 炒 焦 當歸 芍藥 炒

甘草 各五分 右水煎服

蘆薈丸 治肝氣不和尅侮脾胃而患諸症或三焦肝膽經風熱目王雲翳或肝熱癩癧耳內生瘡寒熱作痛肌體消瘦發熱作痛飲食少思肚腹不調或牙齦蝕落頰腮腐爛下部生瘡等症

蘆薈 五錢 胡黃連 當歸 芍藥 炒

龍膽草 酒浸 川芎 蕪荑 各一兩 木香

甘草 炒 各三錢 右為末用米糊丸麻子大每服五十九丸 瀉湯下

加味小柴胡湯

小柴胡湯 治肝經下部腫脹小便不利或寒熱往來或晡熱潮熱或胸脇作痛 一方見本卷第三論

加味逍遙散 治肝脾血虛濕熱流注下部諸症發熱晡熱熱
加味歸脾湯 治脾肝鬱怒下部諸症寒熱晡熱少食無寐或

經候不調 一方見本卷第四論

補中益氣湯 治元氣下陷下部重墜或晡熱寒熱少食體倦

或因過服寒涼之藥所致 方見本卷第十論

加味四物湯 方見本卷第六論

八珍湯 治氣虛寒熱晡熱或寒熱往來下部諸症 二方見本卷第三論

婦人鶴膝風方論第九

婦人鶴膝風症因胎產經行失調或鬱怒虧損脾肝而為外邪所傷或先腿脚牽痛或先肢體筋攣既而膝漸大腿漸細如鶴之膝故名之也若腫高赤痛者易治漫腫不赤痛者難治二三寸潰而穢稠者易治半載後潰而膿清者難治設用攻伐已損

元氣尤為難治也大要當固元氣為主而佐以
少體倦者六君子湯為主晡熱內熱者逍遙散為主寒熱往來者八珍湯為主發熱惡寒者十全大補湯為主驚悸少寐者歸脾湯為主月經過期者補中益氣湯為主月經先期者加味逍遙散為主凡潰後當大補脾胃若膿出反痛或寒熱煩渴等症皆屬氣血虧損一於培補庶保終吉

附治驗

一婦人久鬱怒胸膈不利內熱寒熱經候不調遍身酸痛余謂胃氣虧損先用補中益氣湯加半夏茯苓二十餘劑胃氣漸醒又用大防風湯與歸脾湯膝腫漸消用加味逍遙散大防風湯而全消又用八珍湯加牡丹皮調理氣血而安
一婦人患前症腫痛寒熱先用大防風湯一劑又用加味逍遙

散四劑。月餘腫痛漸退。或於速効另服祛風敗毒虛症蜂起。仍用大防風為主佐以十全大補而消。又服大補湯兩月餘。而一婦人患前症。兩拘中腿股筋牽作痛。內熱寒熱。此肝火氣滯之症。先用加味小柴胡湯四劑。後以加味逍遙散為主佐。以大防風湯而消。又患痢後兩膝腫痛。寒熱往來。用十全大補湯為主佐。以大防風湯而仍消。一婦人患之。雖潰而腫不消。朝寒暮熱。飲食不思。經水三四月一至。此屬肝脾氣血俱虛也。用補中益氣加味歸脾二湯各三十餘劑。腫漸消而寒熱上。又佐以大防風月餘。而能步履。再月餘。經行如期。又服六味丸八珍湯三月而斂。

附方藥

大防風方湯 治陰虛邪襲腿膝腫痛等症

防風

附子 炮

牛膝 酒浸

白朮 炒

羌活

人參 各一錢

川芎 一錢

肉桂 一錢

黃芪 炒一錢

芍藥 炒

杜仲 去皮薑汁拌炒

甘草 炙各五分

熟地黃 自製一錢五分

右水煎服

黑丸子 一名和血定痛丸

治跌撲墜筋骨疼痛。或瘀血壅腫。或外感風寒肢體作痛。若流注膝風初結。服之自消。若潰而膿清。與補氣血藥自斂。孕婦勿服。

補氣血藥自斂孕婦勿服

百草霜

白芍藥 各一兩

南星

川烏 各炮二錢

白欬

赤小豆 各一兩

白芨

當歸

骨碎補 焙各八錢

牛膝 焙六錢

右為末。酒糊丸。桐子大。每服三十丸。鹽湯溫酒任下。

聖愈湯 治血虛心煩。睡臥不寧。或五心煩熱。

婦人良方

薛氏醫案卷之二十四

三

地黃

酒拌蒸

生地黄

酒拌

黃芪

炙

人參

川芎

當歸

各一錢

右水煎服

六味丸

方見本卷第十論

逍遙散

加味逍遙散

八珍湯

十全大補湯

歸脾湯

五方見本卷第四論

補中益氣湯

方見本卷第十論

四物湯

六君子湯

二方見本卷第六論

○婦人下注膝瘡方論第十

婦人兩膝生瘡或因胎產飲食失宜傷損脾胃或因憂思鬱怒
 虧損肝脾以致濕熱下注外邪所搏外膝屬足三陽可治內膝
 屬足三陰難治若初起發腫赤痛屬濕熱所乘用人參敗毒散
 或檳蘇敗毒散若漫腫作痛或不腫不痛屬脾虛濕熱下注補
 中益氣湯氣血俱虛八珍湯若膿水淋漓體倦少食內熱口乾
 屬脾氣虛弱補中益氣加茯苓酒炒芍藥若午後發熱倦怠屬氣虛血弱
 脾虛陰火用前湯加熟地芍藥若午後發熱倦怠屬氣虛血弱
 用前湯加川芎熟地若懷抱鬱怒屬脾氣不舒用歸脾湯加川
 芎山梔若內熱體倦痰涎口瘡屬脾腎虛熱用六味丸若肢體
 畏寒飲食少思屬脾腎虛寒用八味丸大抵色赤屬濕熱易治
 色黯屬虛寒難治設誤用攻伐復傷胃氣多變瘵症

附治驗

婦人良方
一婦人兩廉生瘡漸至遍身發熱吐痰口燥咽乾盜汗心煩足熱小便赤澀日晡益甚此腎足三陰虛火也用加味道遙散六味丸而愈

一婦人患前症四畔微赤作痛重墜膿水淋漓胸膈不利飲食少思內熱口苦夜間少寐此鬱結傷脾血也用歸脾湯解鬱結生脾血用補中益氣加茯苓半夏補脾氣除濕熱尋愈

一婦人久不愈色赤微熱日晡狀腫形體虛弱飲食少思勞則喘渴惡寒發熱此為脾虛下陷用補中益氣湯尋愈

一婦人患已三年色黯腫硬惡寒發熱飲食少思形體消瘦作渴飲湯飲食稍多或腹脹或泄瀉或作嘔或作酸此脾氣虛寒也用補中益氣加乾薑五分五十餘劑而愈

一婦人患此因步履勞復惡寒發熱倦怠懶食而瘡出血此

氣虛而不能攝血歸經也用補中益氣湯而愈。

一婦人患之因怒寒熱頭眩或耳項腦脇脹痛或小腹陰道悶墜或小便頻數下血此屬肝火血熱先用小柴胡加炒黑山梔芎歸車前二劑諸症悉退又用加味道遙而愈後因飲食勞倦前症復作瘡口出血用補中益氣湯而安

一婦人患將兩月瘡腫赤痛小便頻數飲食如常此濕毒甚而氣血虛先用活命飲二劑去其濕毒又用八珍湯調補氣血而一婦人患此瘡痛惡寒發熱此濕熱乘於足三陽經分用檳蘇敗毒散而寒熱退用仙方活命飲而瘡痛止再用補中益氣湯而形氣健

附方藥

人參敗毒散

治瘡瘍瘰癧寒熱或拘急頭痛

婦人良方

薛氏醫案卷之二十四

三

三

婦人良方 百回醫考卷之二十四

人參

羌活

獨活

前胡

柴胡

桔梗

枳殼

茯苓

川芎

甘草

右水煎服

檀蘇敗毒散即人參敗毒散加檀榔紫蘇

補中益氣湯 治元氣虛損或因討伐惡寒發熱倦怠少食或

不能消散生肌或兼飲食勞倦煩熱作渴。

黃芪

人參

白朮

甘草

當歸

陳皮

柴胡

升麻

右薑棗水煎空心午前服

烏沉湯 生氣血補心腎上損者服之其効勝大建中湯

人參

當歸

白朮

烏藥

沉香

白茯苓

附子

肉桂

右為末每服三錢薑棗水煎空心服

金鎖正元丹

治真氣不足四肢怠惰脚膝酸疼目暗耳鳴自

汗盜汗一切虛損之症

五倍子

紫巴戟

補骨脂

硃砂

肉蓯蓉

葫蘆巴

茯苓

龍骨

右為末酒糊丸桐子大每服二十九空心溫酒或鹽湯下

平補鎮心丹

治心血不足時或心忡驚悸夢如高墜常服安

心腎益榮衛

硃砂

人參

龍齒

白茯苓

五味子

車前子

茯神

麥門冬

肉桂

遠志

天門冬

山藥

酸棗仁

熟地黃

酒蒸

錢

婦人良方 百回醫考卷之二十四

右為末蜜丸桐子大每服三十九丸空心温酒下
威喜丸 治小便白濁

黃蠟 四兩

白茯苓

四兩一塊同猪苓一兩於磁器內煮二十沸取出晒乾不用猪苓

右以茯苓為末鎔蠟丸彈子大每服一丸空心細嚼津液嚥下小便清利為度忌食米醋

小柴胡湯 方見本卷第八論

加味道遙散

八珍湯

歸脾湯 三方見本卷第四論

仙方活命飲 方見本卷第五論

六味丸

八味丸 二方見本卷第十一論

○婦人足跟瘡腫方論第十一

婦人足跟足指腫痛足心發熱者皆因胎產經行失於調攝虧損足三陰虛熱所致若腫痛或出膿用六味丸為主佐以八珍湯胃虛懶食佐以六君子湯寒熱內熱佐以逍遙散補熱益甚頭目不清佐以補中益氣湯痰盛作渴或口舌生瘡亦用前二藥以滋化源大凡發熱補熱內熱自汗盜汗等症皆陰虛假熱也故丹溪謂火起九泉陰虛之極也蓋足跟乃督脈發源之所腎經所過之地若不求其屬而汎用寒涼則悞甚矣然俗謂鬼啗瘡者蓋獵人被鬼咬足跟久而不斂氣血瀝盡其人必死男子酒色過度者多患此症

附治驗

一婦人素血虛因大勞兩足發熱補熱月經過期或用四物苓

婦人良方 卷之二十四
連飲食少思胸痞吐痰用二陳枳實黃連大便不實吐痰無度
足跟作痛余曰足熱晡熱月經過期肝脾血虛也胸痞吐痰飲
食少思脾胃氣虛也蓋胃為五藏之根本胃氣一虛諸病悉至
先月補中益氣加茯苓半夏脾胃漸健乃佐以六味丸補脾腎
不兩月而痊

一婦人經候不調發熱晡熱胸膈不利飲食少思服清熱寬中
消導之劑前症益甚更兼肢體酸痛服陰濕化痰等藥經候兩
三月一至服通經降火之劑足跟足指作痛其熱如炙余以為
足三陰虧損用補中益氣六味地黃兩月諸症漸退又用前湯
并八珍湯兩月而康

一婦人足跟患腫兩腿酸軟或赤或白或痛或痒後或如無皮
或如皸裂日晡至夜脹痛熾熱此屬足三陰虛損用加減八味

丸及逍遙散加熟地川芎百餘劑而愈

一婦人勞則足跟熱痛余作陰血虛用八珍而痊後遍身搔痒
服風藥發熱抽搐肝脈洪數此肝家血虛火盛而生風以天竺
膽星為丸用四物麥門五味苓連炙草山梔柴胡煎送而愈
一婦人兩足發熱足跟作痛日晡熱甚余謂腎肝血虛用逍遙
散六味丸五十餘劑諸症悉愈

附方藥

當歸補血湯 治脾胃損傷或因服峻劑致血氣俱虛發渴引
飲目赤面紅晝夜不息其脈洪大而虛重按全無若悞服白
虎湯必死

黃芪 炙一兩 當歸 酒製二錢 右水煎服

六味丸 一名六味 此壯水制火之劑夫人之生以腎為主人之

婦人良方 卷之二十四

病多由腎虛而致者。此方乃天一生水之劑。無不可用。若腎虛發熱作渴。小便淋瀝。痰壅失音。咳嗽吐血。頭目眩暈。眼花耳聾。咽喉燥痛。口舌瘡裂。齒不堅固。腰腿痿軟。五藏虧損。自汗盜汗。便血諸血。凡肝經不足之症。尤當用之。蓋水能生木。故也。此水泛為痰之聖藥。血虛發熱之神劑。又治肝腎精血不足。虛熱不能起牀。即八味丸去附子肉桂。

八味丸 治命門火衰不能生土。以致脾胃虛寒而患流注。鶴膝等症。不能消潰收斂。或飲食少思。或食而不化。或臍腹疼痛。夜多漩溺。經云。益火之源。以消陰翳。即此方也。

熟地黃自製八兩 山茱萸肉 山藥各四兩 茯苓

牡丹皮 澤瀉各三兩 肉桂用三分厚者。去皮取肉。分許方能補腎。引虛火歸源。

附子用一兩五錢。重者切四塊。用童便浸。數日。火煨。切看無白星為度。

右為末。蜜丸。桐子大。每服七八十九。滾湯下。

六君子湯 方見本卷第六論

補中益氣湯 方見本卷第十論

八珍湯

逍遙散 二方見本卷第四論

○婦人肺癰方論第十二 仍參外科樞要

婦人肺癰。因外邪內蘊。或七情鬱火。誤行汗下。重亡津液。以致肺氣受傷。而惡風咳嗽。鼻塞項強。胸脇脹滿。呼吸不利。吐痰臭濁。膿血腥穢。若咳嗽喘急。寒邪在表也。小青龍湯。咳嗽胸脹。寒邪內壅也。葶藶大棗瀉肺湯。脇脹咳唾。腥臭膿已成也。桔梗湯。咳喘短氣。或小便短少。肺氣虛也。佐以參芪補肺湯。體倦少食。或喘嗽短氣。脾肺虛也。佐以參朮補脾湯。作渴飲冷。午前嗽甚。

婦人良方 卷之二十四
胃火盛也竹葉石膏湯作渴內熱午後嗽甚陰血虛也六味九
四物湯口乾飲湯體倦少食胃氣虛也補中益氣湯加五味麥
門口乾內熱咳嗽痰涎腎水虛也六味九益氣湯黃昏熱或嗽
甚陰火熾也六味九四物湯加五味麥門五更嗽或痰甚脾肺
虛也六君子湯嗽而不得眠及兩脇痛肝火血虛也六味九益
氣湯大凡前症因外淫所侵當祛邪而實土因心火太過當伐
木而補金若肺氣虛弱當補脾土而生肺金若陰火上炎當補
脾肺以滋腎水然而發熱喘嗽咳唾膿血飲食不入皆脾土不
能生肺金肺金不能生腎水之敗症苟能純補脾土而生諸藏
多有復生者若用寒涼脾胃復傷則肺金失養腎水益涸虛火
上炎薰蒸於肺吾未見其能生之者其唾膿血脈浮大面色赤
者俱難治若陰火妄動或勞嗽吐膿血者尤難治若膿自止脈

汗短漉及始萌者易治。

附治驗

一婦人素血虛發熱咳嗽服痰火之劑咳吐膿血面赤脈數其
勢甚危此膿成而氣血虛也余用八珍湯補元氣桔梗湯治肺
癰而愈。

一婦人感冒風寒或用發表之劑反咳嗽喘急飲食少思胸膈
不利大便不通右寸關脈浮數欲用疎通之劑余曰此因脾土
虧損不能生肺金若更利之復耗津液必患肺癰矣不信仍利
之虛症悉至後果吐膿余朝用益氣湯夕用桔梗湯各數劑吐
膿漸止又朝仍用前湯夕用十全大補湯各五十劑喜其善調
理獲愈。

一婦人咳嗽吐痰胸膈作痛右寸關浮滑項下牽強此脾胃積

熱之痰非癰患也。以二陳山梔白朮桔梗治之而痊。
一婦人素血虛內熱時咳。甲辰孟冬。兩尺浮洪。以脾胃不健。請
治。余曰。當防患肺症。丙午孟春。果咳嗽。左右寸脈洪數。肺癰也。
膿已成。左寸脈仍洪數。乃心火尅肺。金夏令可憂。余用壯水健
脾之劑。稍愈。彼遽自忽。不事調攝。果歿於夏令。

附方藥

青龍湯

治肺經受風寒咳嗽喘急

半夏

湯泡

乾薑

細辛

麻黃

去節

肉桂

芍藥

甘草

炙各一錢

五味

炒五分

附子

炮五

右水煎服

葶藶大棗瀉肺湯

治肺癰胸膈脹滿上氣喘急或身面浮腫

鼻塞聲重用葶藶炒黃研末每服三錢先用棗十枚水煎去

棗入藥再煎食後服

桔梗湯

治肺癰咳而胸膈隱痛兩肘腫滿咽乾口燥煩悶作

渴濁唾腥臭

桔梗

炒

貝母

去心

當歸

酒拌

瓜蒌仁

枳殼

麩炒

薏苡仁

微炒

桑白皮

炒

甘草節

防己

去皮各一錢

黃芪

鹽水炒

百合

蒸各一錢五分

五味子

杵炒

甜葶藶

炒

地骨皮

知母

炒

杏仁

各五分

右薑水煎服

人參補肺湯

治肺癰腎水不足虛火上炎咳唾膿血發熱作

渴小便不調

人參

黃芪

炒

白朮

茯苓

陳皮

當歸

各一錢

山茱萸

核去

山藥

各二錢

婦人良方 薛氏醫案卷之二十四

五味子柝 麥門冬 甘草炙各七分 熟地黃自製一錢五分

牡丹皮錢一 右薑水煎服

參芪補脾湯 治肺症因脾氣虛弱咳嗽膿涎中滿不食宜兼服此藥以補脾土生肺金

人參 白朮各二錢 黃芪炙二錢五分 茯苓

當歸 陳皮各一錢 升麻三分 五味子柝四分

炙甘草五分 右薑水煎服

人參平肺散 治心火剋肺金患肺痿咳嗽喘嘔痰涎壅盛胸膈痞滿咽嗑不利

人參 青皮 茯苓 天門冬

陳皮 地骨皮各一錢 甘草炙五分 知母七分

五味子柝一粒 桑白皮錢一 右薑水煎服

竹葉石膏湯 治胃火盛而作渴者

淡竹葉 石膏煨 桔梗炒 木通

薄荷 甘草各一錢 右薑水煎服

竹葉黃芪湯 治癰疽氣血虛胃火盛而作渴

淡竹葉錢二 黃芪炒 麥門冬去心 當歸

川芎 甘草炒 黃芩炒 芍藥炒

人參 半夏 石膏煨 生地黃各一錢

右水煎服

二陳湯 方見本卷第五論

六味丸 方見本卷第十一論

補中益氣湯 方見本卷第十論

四物湯

婦人良方 薛氏醫案卷之二十四

六君子湯 二方見本卷第六論

十全大補湯

八珍湯 二方見本卷第四論

婦人腸癰方論第十三

婦人腸癰因經行產後瘀血或七情飲食所致其症小便如淋發熱惡風身皮甲錯腹皮腫急按之軟如腫狀或腹脹大轉側有水聲或繞臍生瘡或大便出膿其脈遲緊者膿未成用活命飲以解其毒脈滑數者膿已成用雲母膏以下其膿若二年間遍身微腫大腸與臍出膿此息積之症也多致不救內經云腸癰為病不可驚驚則腸斷而死其坐臥轉側宜徐緩時嘗少飲薄粥靜養調理庶可保生

附治驗

一婦人小腹腫痛小便如淋此毒結於內用神効瓜蔓散一劑少愈又薏苡仁湯二劑乃痊

一婦人小腹痛而有塊脈花而澀此瘀血為患以四物加玄胡索紅花桃仁牛膝木香二劑血下而愈

一婦人小腹痛大便澀轉側有水聲脈洪數以梅仁湯一劑頓下諸血症頓退以薏苡仁湯二劑而痊

一婦人小腹痛小便不利脈滑數此膿已成也服太乙膏五錢膿下甚多脹痛頓退以瓜蔓散蠟礬丸托裏藥而安

一婦人因經水多服藥止之致腹作痛以失笑散二服而瘳又用加味逍遙散數劑而經調

一產婦惡露停滯小腹作痛服瓜仁湯下瘀血而痊凡瘀血停滯宜急行之緩則腐化為膿最為難治若流注關節則患骨疽

婦人良方 卷之六 婦人良方 卷之六

多為敗症。

附方藥

瓜子仁湯

治產後惡露未盡經行瘀血停滯小腹作痛或成

癰患

薏苡仁

牡丹皮

桃仁去皮

瓜蒌仁各一

右每服五七錢水煎

敗醬散

治脈數身無熱腹無積聚按之軟濡此為腸癰久積

陰冷所成

薏苡仁

二兩

附子

炮半

敗醬草

錢五

右每服四錢水煎以小便利為度

牡丹湯

治腸癰腹軟而痛時下膿血

牡丹皮

人參

天麻

白茯苓

黃芪炒

薏苡仁

桃仁去皮

白芷

當歸

酒炒

川芎

各一

官桂

甘草

各五分

木香三分

右水煎服

大黃湯

治腸癰小腹堅腫按之則痛肉色如故或炊赤微腫

小便頻數汗出憎寒脈遲緊未成膿者宜服之

大黃炒

朴硝各一

牡丹皮

瓜蒌仁炒

桃仁

去皮尖

右水煎服

梅仁湯

治腸癰壅痛大便秘結

梅仁

九箇去

大黃炒

牡丹皮

芒硝各一

冬瓜仁

研三

犀角

一錢末

右水煎入犀角末服

神仙太乙膏

治一切癰疽不問膿之成否並宜貼之更作服

玄參

白芷

當歸

肉桂

婦人良方

卷之二十四

四

大黃

赤芍藥

生地黄

淨黃丹

右用麻油二斤入銅鍋內煎黑濾去粗入黃丹廿七兩再煎
滴水中捻軟硬得中即成膏矣如軟更加丹雲母膏固効卒
難修合太乙膏亦可

神効黃礬丸

最解毒止痛

白礬

末一兩黃蠟半兩黃色者焙
明亮者黃蠟開一方用七錢

右衆手九桐子六每服三升煎滾湯下如服金石發痘更用
白礬末一兩作三五服以溫酒調下若遍身生瘡如蛇頭服
之尤効此藥能解毒氣內攻也須多服方驗亦治蛇咬熔化
乘熱滴傷處毒即出痛即止仍服兩許
失笑散 治產後心腹絞痛或血迷心竅不知人事及尋常腹
內瘀血積血作痛

五靈脂

去沙土炒蒲黃炒各等分

右為末每服一二錢溫酒調

活命飲

方見本卷第五論

神効瓜蒌散

方見本卷第十四論

四物湯

方見本卷第六論

加味逍遙散

方見本卷第四論

乳癰乳巖方論第十四

經云乳頭屬足厥陰肝經乳房屬足陽明胃經若乳房忽壅腫
痛結核色赤數日之外焮痛脹潰稠膿湧出膿盡而愈此屬膽
胃熱毒氣血壅滯名曰乳癰為易治若初起內結小核或如鼈
棋子不赤不痛積之歲月漸大巉巖崩破如熟榴或內潰深洞
血水滴瀝此屬肝脾鬱怒氣血虧損名曰乳巖為難療治法焮
痛寒熱宜發表散邪腫焮痛甚宜疎肝清胃或不作膿膿成不

潰宜用托裏或肌肉不生膿水清稀宜補脾胃或膿出反痛惡寒發熱宜補氣血或腫焮作痛晡熱內熱宜補陰血或飲食少思時作嘔吐宜補胃氣或飲食難化泄瀉腹痛宜補脾氣或勞碌腫痛宜補氣血怒氣腫痛宜養肝血慎不可用剋伐之劑復傷脾胃也乳巖初患用益氣養榮湯加味逍遙加味歸脾可以內消若用行氣破血之劑則速其亡

附治驗

一婦人內熱脇脹兩乳不時作痛口內不時辛辣若臥而起急則臍下牽痛此帶脈爲患也用小柴胡加青皮黃連山梔二劑而差

一婦人因怒兩乳腫兼頭痛寒熱此肝經氣症用人參敗毒散二劑表症已退用小柴胡加芎歸枳殼桔梗四劑而愈

一婦人久鬱右乳內腫硬此肝經血症也用八珍加遠志貝母柴胡青皮及隔蒜灸兼神效瓜萸散兩月餘而痊

一婦人先熱渴至夜尤甚後兩乳忽腫肝脈洪數乃熱入血分用加味小柴胡湯而愈

一婦人因怒左乳作痛發熱因表散太過腫熱殊甚用益氣養榮湯數劑熱止膿成因不卽針益腫脹熱渴針之膿大泄仍服前湯月餘而愈

一婦人因怒左乳作痛胸膈不利此屬肝脾氣滯以方脈流氣飲加木香青皮四劑而愈

一婦人膿清腫硬面黃少食內熱晡熱自汗盜汗月經不行此肝脾氣血俱虛也用十全大補加遠志貝母及補中益氣各三十餘劑外用葱熨法而消

婦人膿成脹痛。余欲針之不從。至數日。針出敗膿三四碗。許虛症。蜂起幾至危殆。用大補之劑。兩月餘始愈。

一婦人素弱多鬱。患時疫後。脾胃愈虛。飲食愈少。因怒右乳脇紅腫。應內作痛。或用炒麩皮熨之。內痛益甚。服加減四物湯。腫勢愈大。胸脇背心相引而痛。余謂病後脾弱。怒復傷肝。用八珍加陳皮黃芪柴胡山梔白芷。八劑稍愈。去白芷加青皮木香桔梗。又六劑而安。

一婦人左乳內腫如桃。不痛不赤。發熱漸癭。此肝脾鬱怒也。用八珍湯加香附遠志青皮柴胡百餘劑。又兼神效瓜蒌散三十餘劑。膿潰而愈。

一婦人久鬱。左乳內結核如杏。三月不消。心脈滯脾脈人按之無力。此肝脾氣血虧損。以八珍加貝母遠志香附柴胡青皮桔

核五十餘劑而消

一婦人稟實性躁。懷抱久鬱。左乳內結一核。按之微痛。此皆氣血鬱滯。以連翹散十餘劑。少退。更以八珍加青皮香附桔梗貝母二十餘劑而愈。記上皆

一婦人右乳內結三核。年餘不消。朝寒暮熱。飲食不甘。此肝脾氣血虧損。內服益氣養榮湯。外以木香餅熨之。年餘血氣復滿。一婦人乳內結核年餘。晡熱少食。余謂此血氣不足。欲用益氣養榮湯。彼反服行氣之劑。潰出清膿而效。又一婦人乳內結核如栗。亦服前藥。大如覆碗。堅硬如石。出血水而效。記上皆

附方藥

神效瓜蒌散 治乳癰及一切癰疽初起腫痛即消膿成即潰膿出即愈

瓜蒌研一個 生粉草 當歸酒洗各半兩 乳香

右用酒煎服良久再服若肝經血虛結核而不消佐以四物

柴胡升麻白朮茯苓甘草若肝脾氣血虛弱佐以四君芎歸

柴胡升麻若憂鬱傷脾氣血虧損佐以歸脾湯

玉露散 治產後乳脈不行或身體壯熱頭目昏痛大便澀滯等症

人參 白茯苓 桔梗炒 川芎
白芷 當歸 芍藥各一錢 甘草五分

右水煎服

灸肩尖肘尖二穴圖 即肩髃肘膠
此穴治癰毒之秘法蓋瘰癧屬肝膽二經故患耳前後項腋

之間男子多因恚怒虧損肝經之血陰火內作或不慎起居
耗損腎水不能生肝血婦人多因恚怒傷肝火動血燥或鬱
結傷脾火動血耗或患於胸乳間亦屬於前經此症若因恚
怒傷肝氣血壅遏而不愈者宜灸此穴疎通經絡若久於鬱
怒元氣虧損而不愈當推其所屬而調補化源如取其穴當
以指甲掐兩肘兩肩四所患處覺酸麻方是其穴男子治喉
要婦人見核註婦人良
方小兒見保嬰粹要

銅人圖 在下



Vertical text on the right edge of the page, likely a page number or chapter title, written in traditional Chinese characters.

